



REPUBLIKA E SHQIPËRISË
Këshilli i Ministrave

DPS	
Nr 98	Dos 9
Dt. 28.03.2012	Vt.

V E N D I M

Nr. 190 , datë 13.3.2012

P Ë R

KODIN E HARTIMIT, ADOPTIMIT, MIRATIMIT DHE ZBATIMIT
TË STANDARDEVE*

Në mbështetje të nenit 100 të Kushtetutës dhe të nenit 22, të ligjit nr.9870, datë 4.2.2008, "Për standardizimin", me propozimin e ministrit të Ekonomisë, Tregtisë dhe Energjetikës, Këshilli i Ministrave

V E N D O S I:

1. Miratimin e Kodit të Hartimit, Adoptimit, Miratimit dhe Zbatimit të Standardeve, sipas tekstit bashkëlidhur.
2. Ngarkohet Drejtoria e Përgjithshme e Standardizimit (DPS) për zbatimin e këtij vendimi.
3. Vendimi nr.242, datë 28.5.1999, "Për miratimin e Kodit të Përgatitjes, Adoptimit, Miratimit dhe Zbatimit të Standardeve", shfuqizohet.

Ky vendim hyn në fuqi pas botimit në "Fletoren zyrtare".

K R Y E M I N I S T R I


SALI BERISHA

MINISTRI I EKONOMISË,
TREGTISË DHE ENERGJETIKËS


NASIP NACO

*To parbululet me fleten
shkrimi per te lene i ngritur
0111111111
28.03.2012*

Aneksi i Marrëveshjes mbi Barrierat Teknike në Tregti i Organizatës Botërore të Tregtisë - ratifikuar me ligjin nr. 8648, datë 28.07.2000 "Për ratifikimin e "Protokollit të anëtarësimit të Republikës së Shqipërisë në "Marrëveshjen e Marrakeshit, që themeloi Organizatën Botërore të Tregtisë".

KODI I HARTIMIT, ADOPTIMIT MIRATIMIT DHE ZBATIMIT TE STANDARDEVE

1. Termat e përdorura për qëllime të këtij kodi kanë të njëjtin kuptim me përkufizimet e termave të dhëna në Ligjin nr.9870, datë 04.02.2008 "Për Standardizimin".
2. DPS-ja, gjatë hartimit të standardeve, trajton, me të njëjtën përparësi, produktet e vendit dhe produktet e njëjta të çdo vendi anëtar të OBT-së dhe të çdo vendi tjetër.
3. DPS-ja siguron se standardet që hartohen, adoptohen, miratohen dhe zbatohen të mos krijojnë pengesa të panevojshme për tregtinë ndërkombëtare.
4. Në rastet kur ekzistojnë standarde ndërkombëtare adoptimi i të cilave është i domosdoshëm. DPS-ja, i përdor ato ose pjesë të rëndësishme të tyre, si bazë për standardet që harton. Përfshihen nga ky përdorim rastet kur standardet ndërkombëtare ose pjesë të tyre, janë jo efektive ose të papërshtatshme, për shkak të nivelit të pamjaftueshëm të mbrojtjes, faktorëve bazë klimaterikë apo gjeografikë, ose problemeve me bazë teknologjike.
5. DPS-ja, sipas mundësive, merr pjesë në procesin e hartimit dhe miratimit, nga organizatat përkatëse ndërkombëtare të standardizimit, të atyre standardeve për të cilat ajo gjykon se janë në proces ose do të adoptohen si standarde kombëtare.
6. DPS-ja, eviton punën paralele dhe/ose mbivendosjen me punën e organeve përkatëse rajonale ose ndërkombëtare të standardizimit. Ajo merr të gjitha masat për të arritur konsensusin kombëtar për standardet që harton.
7. DPS-ja harton standardet duke u mbështetur në vetitë e produkteve dhe jo në anën përshkrimore të tyre.
8. Çdo 6 muaj DPS-ja boton programin e punës, i cili përmban emrin dhe adresën e saj, standardet që aktualisht po përgatiten dhe listën e standardeve që ka adoptuar në periudhën e mëparshme.
9. Standardi konsiderohet në përgatitje e sipër që nga momenti që është marrë vendimi për hartimin e tij dhe derisa të miratohet. Titujt e projekt standardeve, duhet të jepen në anglisht ose frëngjisht, sipas kërkesës. Ekzistenca e programit të punës njoftohet në një botim zyrtar të DPS-së. Programi i punës duhet të tregojë për çdo standard, në përputhje me rregullat e ISONET, klasifikimin përkatës, nivelin e punës për hartimin e tij, referencat e çdo standardi ndërkombëtar të marrë për bazë dhe mënyrën se si mund të kërkohet nga të interesuarit. Ky program, sapo të botohet apo publikohet në faqen zyrtare interneti, njoftohet në Qendrën e Informacionit të ISO/IEC në Gjenevë. Njoftimi përmban emrin dhe adresën e DPS-së, botimin ose linkun ku programi ka dalë, periudhën së cilës i përket, çmimin nëse ka dhe mënyra se si mund të sigurohet.
10. Përpara adoptimit të një standardi, DPS-ja lejon një periudhë të paktën 60 ditore për komente në lidhje me projekt standardin nga palët e interesuara në territorin e një vendi

anëtar të OBT-së. Kjo periudhë mund të shkurtohet në rastet kur dalin probleme urgjente që lidhen me sigurinë, shëndetin ose mjedisin. Periudha e komenteve fillon që në momentin kur Programi i Punës së standardeve publikohet në një nga botimet zyrtare të DPS-së, sipas paragrafit 9 më sipër. Njoftimi përfshin edhe devijimet përkatëse nga standardet ndërkombëtare, nëse ka të tilla.

11. Me kërkesën e çdo pale të interesuar brenda territorit të një vendi anëtar të OBT-së, DPS-ja, i jep menjëherë ose merr masa për t'i dhënë, një kopje të projekt standardit i cili është lënë për komente. Çdo pagesë për këtë shërbim është e njëjtë si për subjektet e vendit ashtu edhe për ato të huaja, me përjashtim të kostos reale të dërgimit.
12. Gjatë përpunimit të mëtejshëm të standardit, DPS-ja, merr parasysh komentet që janë bërë gjatë periudhës së caktuar për këtë qëllim. Komentet që janë marrë nëpërmjet organeve të standardizimit, të cilat kanë pranuar këtë kod, iu jepet përgjigje sa më shpejt të jetë e mundur, nëse kjo gjë kërkohet. Përgjigja duhet të përfshijë shpjegimin përse ka qenë e nevojshme devijimi nga standardi përkatës ndërkombëtar.
13. Standardi botohet menjëherë sapo të jetë adoptuar dhe miratuar.
14. Me kërkesën e çdo pale të interesuar brenda territorit të një vendi anëtar të OBT-së, DPS-ja, i jep menjëherë ose merr masa për t'i dhënë, një kopje të programit më të fundit të punës ose të një standardi i cili është përgatitur. Çdo pagesë për këtë shërbim është e njëjtë si për subjektet e vendit ashtu edhe për ato të huaja.
15. Për qëllime të këtij Kodi, tarifat për çmimet e shërbimeve që DPS-ja kryen ndaj të tretëve miratohen nga Ministria e Financave me propozimin e DPS-së.

NR.PROT.321/1
DATË 26.3.2012

MINISTRISË SË EKONOMISË, TREGTISË
DHE ENERGJETIKËS
MINISTRISË SË DREJTËSISË
MINISTRISË SË FINANCAVE
MINISTRISË SË BUJQËSISË, USHQIMIT DHE
MBROJTJES SË KONSUMATORIT
MINISTRISË SË PUNËVE PUBLIKE DHE
TRANSPORTIT
DREJTORISË SË PËRGJITHSHME TË
STANDARDIZIMIT (DPS)
QENDRËS SË PUBLIKIMEVE ZYRTARE

Gjergj LEZHJA
Sekretari i Përgjithshëm

